

## PETA GODINA-pitanja

1. Prouči jednu suru od En-Nas do En-Nasr
2. Prouči suru „Et-Tekasur“?
3. Prouči suru “El-Kari’ah”?
4. Prouči namasku dovu?
5. Kada i kako smo dužni izvršiti sehvi-sedždu?
6. Kako se uzima abdest (sa nijjetom), a koje su radnje od toga farz?
7. Kada i kako se klanja džuma namaz (sa nijjetima)?
8. Kada i kako se klanja Ramazanski bajram namaz (sa nijjetom)?
9. Kada i kako se klanja Kurbanski bajram namaz (sa nijjetom)?
10. Kada i kako se klanja Teravih namaz (sa nijjetom)?
11. Kako ćemo naklanjati zaostale rekate, ako prispijemo u džemat na 2.rekat, na 3.rekat, na 4.rekat?
12. Kakvu olakšicu ima musafir kod klanjanja namaza, a kakvu bolesnik?
13. Koliko traje valjanost mesha po obući (mestvama), a kada on neće biti valjan?
14. Šta je hidžra i nabroj mjesece u hidžretskom kalendaru?

# PETA GODINA-odgovori

## **1. Prouči jednu suru od En-Nas do En-Nasr**

### **2. Prouči suru „Et-Tekasur“?**

1. EL-HAKUMUT-TEKASUR.
2. HATTA ZURTUMUL-MEKABIR.
3. KELLA SEVFE TA'LEMUN.
4. SUMME KELLA SEVFE TA'LEMUN.
5. KELLA LEV TA'LEMUNE 'ILMEL-JEKIN.
6. LETEREVUNNEL-DŽEHIM.
7. SUMME LETEREVUNNEHA 'AJNEL-JEKIN.
8. SUMME LE TUS'ELUNNE JEVME'IZIN 'ANIN-NE'IM.

### **3. Prouči suru „El-Kari'ah“?**

1. EL-KARI'AH.
2. MEL-KARI'AH.
3. VE MA EDRAKE MEL-KARI'AH.
4. JEVME JEKUNUN-NASU KEL-FERAŠIL-MEBSUS.
5. VE TEKUNUL-DŽIBALU KEL-'IHNIL-MENFUŠ.
6. FE EMMA MEN SEKULET MEVAZINUH .
7. FE HUVE FI 'IŠETIN RADIJEH.
8. VE EMMA MEN HAFFET MEVAZINUH.
9. FE UMMUHU HAVIJEH.
10. VE MA EDRAKE MA HIJEH.
11. NARUN HAMIJEH.

### **4. Prouči namasku dovu:**

EL-HAMDU LILLAHI RABBIL-'ALEMIN. VES-SALATU VES-SELAMU 'ALA SEJJIDINA MUHAMMEDIN VE 'ALA ALIHI VE SAHBIHI EDŽME'IN. ALLAHUMME RABBENA TEKABEL MINNA HAZIHIS-SALATE KEMA TEKABELTE MIN 'IBADIKES-SALIHIN. ALLAHUMME RABBENA ATINA FID-DUNJA HASENETEN VE FIL-AHIRETI HASENETEN VEKINA 'AZABEN-NAR. RABBENAGFIR LENA, VE LI VALIDINA, VE LI USTAZINA, VE LI MEŠAJIHINA, VE LI DŽEMI'IL-MU'MININE VEL-MU'MINAT, VEL-MUSLIMINE VEL-MUSLIMAT, EL-AHJA'I MINHUM VEL-EMVAT, BI RAHMETIKE JA ERHAMER-RAHIMIN. VE SELAMUN 'ALEL-MURSELIN. VEL-HAMDU LILLAHI RABBIL-'ALEMIN!

## 5. Kada i kako smo dužni izvršiti sehvi-sedždu?

Sehvi-sedžda podrazumijeva dvije sedžde koje se čine u sljedećim slučajevima:

- Ako se nenamjerno izostavi neki namaski vadžib (npr., učenje Fatihe u namazu).
- Ako se zakasni sa obavljanjem nekog namaskog vadžiba (npr., da osoba, na kijamu, prouči suru prije Fatihe te tako zakasni sa njenim učenjem).
- Ako se zakasni sa izvršenjem nekog namskog rukna (npr., da osoba na prvom sjedenju iza Etehijatu prouči i Salavate te zbog toga zakasni na kijam trećeg rekata).
- Ako se klanja više od propisanog broja rekata u namazu.
- Ako je osoba bila u sumnji da li je obavila potpun broj rekata.

Sehvi-sedžda se obavlja nakon što se preda selam na desnu stranu, na isti način kao i redovne sedžde u namazu, nakon čega se ponovi učenje na zadnjem sjedenju (ettehijatu, salevati i dove) i preda selam na desnu i lijevu stranu.

## 6. Kako se uzima abdest (sa nijjetom), a koje su radnje od toga farz?

Abdestimo se tako što proučimo Euzubillu i Bismillu, a potom nijjet koji glasi:

NEVEJTU EN ETEVEDDAE LI EDŽLIS-SALATI VE LI REFI'IL-HADESI TEKARRUBEN  
ILELLAHI TE'ALA, a zatim se čistom vodom:

- operu ruke do iza šaka 3 x;
- isperu se usta i grlo desnom rukom 3 x;
- ispere se nos 3 x;
- **opere se cijelo lice odakle je kosa nikla pa do ispod brade a u širinu od uha do uha 3 x;(farz)**
- **operu se prvo desna pa lijeva ruka do iza lakata 3 x;(farz)**
- **potare se mokrom rukom barem četvrtina glave 1 x –mesh,(farz)**
- operu se uši i vrat 1 x;
- **i operu se prvo desna pa lijeva noga do iznad članaka 3 x(farz)**

## 7. Kada i kako se klanja džuma namaz (sa nijjetima)?

Džuma namaz je namaz koji se klanja petkom u podnevsko vrijeme. Ovaj namaz se može obaviti samo u džematu. Džuma namaz ima 16 rekata koji su raspoređeni ovim redom:

- četiri rekata sunneta,
- **dva rekata farza u džematu,**
- četiri rekata sun-sunneta,
- četiri rekata ahiri zuhri
- dva rekata sunnetil-vakti.

**Sunnet** se zanijeti:

NEVEJTU EN USALLIJE LILLAHI TE'ALA SALATE **SUNNETIL-DŽUMU'ATI**  
EDAEN MUSTAKBILEL-KIBLETI, ALLAHU EKBER.

Sunneti se klanjaju kao podnevski sunnet

Prije klanjanja farza imam održi hutbu koja je farz.

**Farz** se zanijeti za imamom:

NEVEJTU EN USALLIJE LILLAHI TE'ALA SALATE **FARDIL-DŽUMU'ATI**  
EDAEN MUSTAKBILEL-KIBLETI, **IKTEDEJTU BI HAZEL-IMAMI**, ALLAHU EKBER.  
**Džumu'anski farz se može klanjati samo u džematu, tako da muktedija na stajanjima uči samo Subhaneke na prvom rekatu.**

**Sun-sunnet** se zanijeti:

NEVEJTU EN USALLIJE LILLAHI TE'ALA SALATE **SUN-SUNNETIL-DŽUMU'ATI**  
EDAEN MUSTAKBILEL-KIBLETI ALLAHU EKBER.

Sun-sunnet se klanjaju kao podnevski sunnet

**Ahiri zuhri** se zanijeti:

NEVEJTU EN USALLIJE LILLAHI TE'ALA SALATE **AHIRI-ZZUHRI**  
EDAEN MUSTAKBILEL KIBLETI ALLAHU EKBER.

Ahiri-zzuhri se klanja kao podnevski farz kad se klanja samostalno

**Sunnetil-vakti** se zanijeti:

NEVEJTU EN USALLIJE LILLAHI TE'ALA SALATE **SUNNETIL-VAKTI**  
EDAEN MUSTAKBILEL KIBLETI ALLAHU EKBER.

Sunnetil-vakti se klanja kao sabahski sunnet

Nakon toga slijedi zikr poslije namaza.

## **8. Kada i kako se klanja Ramazanski bajram namaz (sa nijjetom)?**

Ramazanski bajram se klanja 1. ševvala, 45 minuta nakon izlaska Sunca.

Ramazanski bajram namaz ima dva rekata i klanja se samo u džematu.

Zanijetimo riječima:

NEVEJTU EN USALLIJE LILLAHI TE'ALA SALATE **'IDIL-FITRI,**  
**MUSTAKBILEL-KIBLETI IKTEDEJTU BI HAZEL-IMAMI,** ALLAHU EKBER.

Bajram namaz se klanja kao i farz džume namaza s tim da se na prvom rekatu poslije Subhaneke za imamom izgovaraju tri tekbira dižući ruke pri svakom tekbiru, a na drugom rekatu tri tekbira se izgovaraju nakon proučene sure na isti način kao i na prvom rekatu. Nakon namaza imam održi bajramsku hutbu nakon koje se prouči zikr poslije namaza.

## **9. Kada i kako se klanja Kurbanški bajram namaz (sa nijjetom)?**

Kurbanški bajram namaz klanja se 10. zul-hidždžeta, 45 minuta nakon izlaska Sunca.

Ovaj namaz ima dva rekata i klanja se samo u džematu. Zanijetimo riječima:

NEVEJTU EN USALLIJE LILLAHI TE'ALA SALATE **'IDIL-ADHA,**  
**IKTEDEJTU BI HAZEL-IMAMI,** ALLAHU EKBER.

Kurbanški Bajram namaz se klanja na isti način kao i Ramazanski Bajram namaz.

## **10. Kada i kako se klanja Teravij namaz (sa nijjetom)?**

Teravij namaz se klanja u toku mjeseca Ramazana i to poslije jacijskih sun-sunneta, a prije vitr namaza.

Teravij namaz ima 20 rekata i može se klanjati tako da se selam predaje nakon dva ili četiri rekata.

Samo na početku namaza izgovori se nijjet,:

NEVEJTU EN USALLIJE LILLAHI TE'ALA SALATE-TTERAVIHI, 'IŠRINE REK'ATEN,  
EDAEN MUSTAKBILEL-KIBLETI, ALLAHU EKBER.

Ukoliko se selam predaje na dva rekata klanja se kao sabahski sunnet.

Ukoliko se selam predaje nakon četiri rekata klanja se kao ikindijski sunnet

## **11. Kako ćemo naklanjati zaostale rekate, ako prispijemo u džemat na 2.rekat, na 3.rekat, na 4.rekat?**

Kada čovjek zakasni u džemat i prispije na farz, odmah će pristupiti klanjanju farza za imamom.

- Ako je prispio na drugi rekat, klanjat će za imamom sve do kraja namaza, a nakon što imam preda selam na desnu stranu, on neće predavati selam nego će ustati i naklanjati prvi rekat.

- Ako je prispio na treći rekat, klanjat će za imamom sve do kraja namaza, a nakon što imam preda selam na desnu stranu, on neće predavati selam nego će ustati i naklanjati prva dva rekata, s tim da će nakon što naklanja prvi rekat sjesti na prvo sjedenje, a zatim ustati i naklanjati drugi rekat. (akšam)

- Ako je prispio na četvrti rekat klanjat će za imamom sve do kraja namaza, a nakon što imam preda selam na desnu stranu, on neće predavati selam nego će ustati i naklanjati prva dva rekata, s tim da će nakon što naklanja prvi rekat sjesti na prvo sjedenje, a zatim ustati i naklanjati drugi i treći rekat.

## **12. Kakvu olakšicu ima musafir kod klanjanja namaza, a kakvu bolesnik?**

Musafir je putnik i on skraćuje sve četverorekatne farz namaze na dva rekata.

Vitr-namaz klanja bez skraćivanja.

Sunnete može klanjati ukoliko ima dovoljno vremena, a može ih i izostaviti.

Olakšice za bolesnika zavise od vrste bolesti:

- Ako bolesnik ne može da stoji ili da normalno obavi ruku i sedždu, on će klanjati sjedeći obavljajući sve pokrete u namazu, s tim što će se, prilikom obavljanja sedžde, više sagnuti nego što je to učinio na ruku'u.

- Ako bolesnik nije u stanju da sjedi, onda će namaz klanjati išaretom, u ležećem položaju s tim da licem treba biti okrenut prema kibli.

- Ako bolesnik nije u stanju klanjati ni u ležećem položaju, odgodit će obavljanje namaza i naklanjati ih, a ako takvo stanje potraje duže od jednog dana, neće biti obavezan da naklanja propuštene namaze.

## **13. Koliko traje valjanost mesha po obući (mestvama), a kada on neće biti valjan?**

Ako smo u mjestu boravka tj., ako nismo na putovanju, mesh možemo činiti u toku 24 sahata, a ako smo na putovanju, mesh možemo činiti u toku 72 sahata.

Mesh po obući nije valjan:

- ako smo obukli mestve bez abdesta,
- ako mestve nisu čiste,
- ako su mestve poderane,
- ako mestve nisu duboke da pokrivaju nožne članke.

## **14. Šta je hidžra i nabroj mjesece u hidžretskom kalendaru?**

Hidžra je preseljenje Muhammeda, a.s., i njegovih ashaba iz Mekke u Medinu.

Hidžra se dogodila 622. godine.

Mjeseci hidžretskog kalendara su:

1. Muharrem,
2. Safer,
3. Rebi'ul-evvel,
4. Rebi'ul-ahir,
5. Džumadel-ula,
6. Džumadel-uhra,

7. Redžeb,
8. Ša'ban,
9. Ramazan,
10. Ševval,
11. Zul-ka'de,
12. Zul-hidždže.